

quem pertinebat legio decima Fretensis, a. 69 ex legionibus Aegypti suppletum esse narrat Iosephus bell. 5, 1, 6. — 5) Similes testationes habemus in papyris Aegyptiacis Urk. Berl. Mus. 525 iisdemque verbis 970: ille ἐμαρτυροποίησατο ἐκγεγρα[φθα] καὶ προσαντιβεβλημένοι ἐκ τεύχους βιβλειδίων Τίτου Πακτουμήγιου Μάγνον ἐπί[ερχου] Αἰγύπτου. . . ἐν ᾧ βιβλιδίῳ ἐγγεγραμμένα ἦν τὰ ὑπογεγραμμένα. Cf. ibid. 1032: δέλτον μαρτυροποίησεως ἐπὶ σφραγίδων γενομένην (Wilcken). Mispoulet (p. 14) putat Valerium Quadratum comprobavisse (demonstrasse) ea quae infra scripta erant, debito more descripta esse ex tabula fixa in Caesareo magno, prolato diptycho aeneo eius generis quae extant, munito sigillis septem civium Romanorum, in quo septem ii cives Romani veritatem scripturae testati erant (cf. Urk. Berl. Mus. 265 v. 21 = 780 v. 15: δέλτον χαλκῆν ἐσφρα[γισμένην] . . . κειμένην ἐν Ῥώμῃ, δι' ἧς . . .); sed testari non est comprobare. — 6) recognitum fac[tum] etiam in testatione professionis liberorum, de qua cf. not. 1. — 7) Alexandriae sine dubio, non Romae, quod vocabulitz p. 239, sed apographo corruptissimo. Domitiani quoque edictum in hac tabula lignea valde corruptum, incuria scriptoris; accedebant angustiae spatii (cf. infra not. 19); denique haec pars tabulae difficilis lectu. Retinui fere quae primus editor in tabula legisse sibi visus est. — 13) Simile initium edicti Caesariani (not. 12): visum [est] edicendum mi[hi] vete[ra]nis dare omni[bus] ut tributis . . . — 14) Quid subsit, non apparet. Fortasse, cum Cagnato, legendum: ut veterani cet. — 15) Scr. portorii. — 16) Scr. liberi? Ceterum cf. cod. Theod. 7, 20, 2. — 16\*) Sic editor (imago parentesque admittit). — 17) De soceris veteranorum cogitavit Mispoulet, quibus sane privilegia quaedam tribuuntur oratione divi Marci fr. Vat. 195. — 18) Qui supra scripti sunt. — 19) Extrema haec ita coarctata sunt ut vix legi queant (inclinatis dedi, quae primo editori, qui ipsam tabellam tractavit, incerta esse visa sunt: in imagine ex versu ultimo nihil, ex praecedente pauca tantum agnoscuntur). Apparet scriptori nullum spatium vacuum superfuisse, neque licuisse ei in alteram diptychi tabellam transire; scilicet ea altera tabella, quae prior fuisse putanda est, iam repleta erat; sine dubio in ea prescripta erat constitutio, cuius finem habemus in huius ipsius tabellae latere averso. — 20) Novem nomina testium (sigillorum vestigia supersunt) qui ligneum hoc diptychon signaverunt. Non casui autem tribuendum videtur, quod ex novem his testibus quinque priores, spatio vacuo a reliquis dirempti, tribum habent et patrem citant. Ceterum veterani fuerunt omnes, fortasse commilitones Valerii Quadrati. — 21) Incertum, utrum significetur tribus Pollia, an alterum cognomen Antonii. — 22) Supersunt haec ex constitutione, qua militibus dimissis a. 93 ex legione decima Fretensi praemia tribuebantur, similia praemiis militum urbanicianorum. Initium constitutionis perit cum tabella diptychi priore (in hac ipsa tabella ante [v]eteranorum paucae tantum litterae perierunt). Scripta autem est haec pagina multo accuratius quam altera, legiturque sine ulla difficultate; sed quamquam gravioribus mendis caret, non est immunis ab interpolationis suspicione. — 23) Subscriptis (vel: suprascriptis). — 24) Scr. incisis. Ceterum verba et liberis — incisi molesta sunt hoc loco, fortasse intrusa a scriptore (similis interpolatio supra N. 6870 not. 19). — 25) Milites dimissi per legatum Augusti etiam supra N. 2301.